

# Arubaanse Courant

ANJA 25

dialuna 30 di december 1963

No. 4827

## Apuntes Editorial

## Matutino

Un esfuerso pa haci Arubaanse Courant mihor - manera cu nos a priminti nos abonadonan - nos a cambia dia 10 di December ultimo pa un proceso nobo di imprimi: offset. Directamente cu esaki tabata envolvi dos cambio grandi den nos diario: E formaat a bira otro y e matutino a bira diario di atardi.

Manera cu nos a teme, tur cos no a bai facil segun nos a spera. Como cu tur esnan cu tin di traha cu e systema nobo, no ta custuma cu ne ainda, e diario no ta asina bunita cu e portay cu seguramente lo ta mihor den futuro. Den un empresa cu ta traha intensamente, caminda tur la atrobe un diario tin di worde publica, un cambio asina no por tuma lugar sin error.

Nos ta haci un suplica na nos lectornan pa tene pasenshi. E staf de imprenta ta haciendo su esfuerso pa bin cla na tempo cu e courant y mehor cu ta posibel. Esaki no ta worde logra semper. In biah cu nos ta obliga pa e courant te e siguiente mainta. Pero ora cu esaki sucede no ta pa motibo di falta di esfuerso of interes di nos bant, pero unicamente como den practica tur cos ta mas dificil cu antes. E faltanan aki lo desparece y nos abonadonan lo ricibi un Arubaanse Courant mane cu mester ta, den cual ta pa mucho mas cu antes.

Como cu a resulta cu majoria di nos abonadonan ta prefera di ricibi nan courant mainta, na lugar di atardi, ta worde traha un cambio na e momento pa bolbe haci "Arubaanse Courant" un matutino. Den e organisacion nobo di offset esaki no ta asina facil, pero segun ta worde spera na e momento, segunda mitar di Januari nos lo logra presenta un courant cu continuamente ta bando mihor.

## Tercer sesion di proceso Argoud

Paris, 30 Dec. Durante e tercer sesion cu a worde tene ayera di e proceso Argoud, un carta a worde lesa di e minister frances di exterior, Couve de Murville, den cual ta para, cu e ministerio di exterior no a haya ningun nota di Alemania Occidental den cual e worde exigia debolbe Argoud. Argoud ta worde acusa pa via di su actividadnan como lider di e organisacion di ehercito secreto.

Nunca gobierno di Alemania Occidental a participa, cu un tal peticion oficial a worde entrega, pero den circunonan qu tin relacionnan estrecha cu gobierno di Alemania Occidental a worde expresada, cu pasonan a worde tuma conecion cu un resolucio cu a worde aproba pa parlamento di Alemania.

## CONSEHO DI SEGURIDAD TA TRATA ASUNTO DI CYPRUS

NEW YORK- 30 Dec. Consejo di seguridad di Nacionnan Uni ayera noch laa a reuni pa atende e situacion na Chipre despues qu for di Nicosia e drenta noticia qu bapornan Turco di guerra ta na caminda pa e isla. E reunion a worde tene dentro di cinco ora despues qu gobierno di Chipre a pidi pa un sesion urgente di e conseho.

Ta pa di prome biah for di e crisis Hungaro y e crisis rond di e Canal Suez, qu e conseho di seguridad ta reuni riba un termino asina corticu. E paso di Chipre a bini pa e delegadonan di Nacionnan Unicommo un sorpresa pasobra nan tabata di opinion, qu e situacion despues di e acuerdo qu a worde firma Pascu na Nicosia a bira, un poco mas calmo. Segun algun noticia e chokenan entre Griego y Turconan riba e isla a causa bida di tres cien persona.

Como cu e hefe di e delegacion Mericano serca Nacionnan Uni, Adlai Stevenson ta qu verlor, e reunion a worde presidi pa e Mericano Frances Plimpton. E delegadonan di Chipre y Turquia, a worde invita pa bini duna splicacion di nan punta di bista sin derecho di voto. E dos paisnan no ta miembro di e conseho di seguridad, qu ta consisti di diesun miembro. Un portavoz oficial pa Chipre a bisa mas den cuminsamentu di anochi, qu cinco submarino Turco, cuater cazador di torpedo y tres bapor qu trupa a worde observa na costa norte di Chipre. E portavoz a bisa qu no tin nignun duda di e amenaza ey. Den un declaracion oficial djes prome qu e reunion di conseho

Den Wilhelmina Park na Oranjestad tin algun simannan caba un voliére grandi, cual a worde poni eynan door di Junior Chamber of Aruba. Anteriormente tabata e intencion cu Jaycees di otro clubnan den Caribe lo percura pa e "poblacion" di e haula, pero esaki no a logra, asina cu e Jaycees di Aruba a encarga algun decenas di parhanan for di Hulanda. Door di diferente malcomprendementonan cu D.O.W. e entrega di e voliére na gobierno di Aruba no a tuma lugar te ainda, y segun informacion esaki a costa bida di algun bunita parha. Awor ta worde spera cu pronto e voliére lo por worde entrega. E balor di e voliére y e parhanan cu tin aden ta worde calcula na Fl. 450,- Door di e bishitantenan di e park y hasta turistanan gran interes ta worde muestra pa e bunita haula.

di seguridad e delegado Turco a desmenti e acusacion di Chipre y a bisa: "Gobierno Turco a dunami orden pa declara oficialmente y e categoricamente qu no tin bapornan Turco na caminda pa Chipre, y qu e bapornan qu a worde observa den e territorio ey ta nabega di un haaf Turco pa otro. E minister Ingles di mancomunidad, Duncan Sandys, a sali awe mainta inespera pa Chipre pa observa e situacion. Na Nicosia president Makarios a reuni te mainta trempan qu e miembronan Griego di su gabinete. Ayera trupanen Ingles a yega e isla pa yuda mantene orden. E minister di interior na Chipre, a bisa cu e pretencionnan Turco di crueldad y asesinato di muhe y muchanan na Chipres no ta correcto.

## President di Cyprus a pidi Inglatera pa interveni

NICOSIA, 30 Dec. E president di Chipre, Arzobispo Makarios, a bisa ayera despues di un combersacion cu e minister Ingles pa relacionnan cu mancomunidad Duncan Sandys, cu Chipre, como miembro di mancomunidad, a pidi Inglatera pa interveni ya cu Chipre ta worde amenasa pa Turquia. Makarios ta prefera, cu e yudanza na su pais pa recuperacion di orden ta worde duna exclusivamente pa Inglatera, y no tambe pa Turquia y Grecia. Turquia a declara, cu dia 25 di December avionnan cazador Turco a bula ariba Chipre. Pero Turquia ta ninga, cu tambe riba otro dianan avionnan Turco a bula riba e isla of cu bapor Turco di guerra tabata den a-

## Perdida mericano na Sur Vietnam

Salgon, 30 Dec. E perdidanan mericano na Sur Vietnam te awor aqui ta consisti di 71 morto, 399 herido y diescuater persona perdi. E cifranan aqui no ta inclui e perdidanan cu ta causa pa actitud directo di e rebeldenan comunista.

Na anja 1961 y 1962 huntu a muri 21 mericano, mientras cu 80 a worde herida.

**FATUM** - Tel: 1845  
pa tur bo aseguronan

## E bishitanan na Berlin Oriental

Berlin, 30 Dec. Mas di cien mil habitante di Berlin Occidental a utiliza e oportunidad pa bishitanan famlanan na Berlin Oriental. Aunque cu tabata hopi druk, tog no tabatin incidentenan. paul hindemith a muri

wanan territorial di e isla. E vuelonan riba 25 di December tabata un aviso pa pone fin na dramamento di sanger. E sociedad di Turconan Chipriota na Londen ayera noch a manda un telegram pa secretario general di Nacionnan Uni, Oe Thant, den cual e sociedad ta bisa cu mas o menos mil rehennan Turco di terroristanan Griego riba e isla ta den pelliger. Segun e sociedad e tin informenan di fuente fidedigno, cu terroristanan durante e recien crueldadnan na Chipre a cohe mil mucha y muhe Turco presu y ta tene awor como rehen, asina e telegram ta bisa. Segun e remitente di e telegram ta sigui na pag. 4



SABOR CU NUNCA  
TA VARIA

IT NEVER VARIES



Ganadornan di concurso di pinta y kleur

## Exhibicion di obranan di muchanan ta hala hopi atencion na Trocadero

Oranjestad- Un jurado forma pa personanan competente ariba e terreno di pintamento a traha como tres ora largo diasabra anochi u.p. pa escohe e diez mehor participantenan den e concurso di Pascu di Pinta & Kleur organisa pa "Arubaanse Courant", respalda pa diferente casnan comercial. E concurso aki mescos cu tur concurso di "Arubaanse Courant" tabata un exito rotundo. Masha hopi muchanan di nos abonadonan a manda bunita dibujo y plaachinan di kleur. Entre nan nos a scohe 250 (doscien y cincuenta) mehoran y a pone nan na exhibicion na "Trocadero", na unda den dianan di fiesta aki cantidad di hende a bai admira nan caba.

E concurso menciona cual na fin di luna di Oktober ultimo a worde lanza door di "Arubaanse Courant", cu cooperacion di diferente casnan comercial conoci aki na Aruba, na cuminsamento parse no a cai na agrado di e muchanan. Un momento nos a duda si nos a duna un objeto na agrado di e yunan di nos tabata drenta masha poco den cuminsamento, pero no a dura mucho kizas algun siman of ya nos no tabatin basta man pa ricibi, selecta y controla tur e dibujonan y pinturanan cu tabata drenta na decenas y decenas pareuw.

Muchanan tabata trece nan pintura nan na nos oficina; majornan tabata percura pa e envelopnan cu e pinturanan worde entrega personalmente na nos, dibujonan y pinturanan tabata drenta via post, via nos cobradornan, for di tur skina di Aruba. E pintura, dibujonan y kleurmanto a tuma lugar na diferente manera. Tin muchanan cu a usa potlood di kleur, otro verf di awa, otronan carbon, tabatin cu usa inkt, algun a dorna nan kleumentu cu papelnan briljante y hopi a traha dibujonan liber, pintando algo correspondiendo na un di e casnan comercial cu a sponsor e concurso. Asina nos por bisa cu tabata tin un enorme variacion di kleurmanto y pintamento.

Ora qu e dia a yega cu e concurso a termina e trabao di mas grandi a cuminsa pa e organisadornan. E prome problema tabata con nan lo por exhibi e cientos di pinturanan bunita cu a worde ricibi. Cu cooperacion di señor J. Hoen di Trocadero e problema aki por a worde resolvi. Cu gusto el a duna su cooperacion na e gran-

dioso concurso aki di Arubaanse Courant. Diferente di nos empleadonan mester a traha oranan largo pa selecta y prepara e exhibicion. Pero Diasabra anochi dos siman pasa un jurado por a cuminsa cu e trabao di mas duro cu tabatin envolvi den henter e concurso aki. E jurado cu tabata consisti di señora T. Marchant, kende a jega di tene varios exhibicion na nos isla caba, sr. Leo Kuiperi, kende su obranan algun aña pasa durante un concurso di pintamento organisa pa Grace Line a hala hopi atencion y e pintor profesional sr. John Pandellis, no tabatin un tarea facil. Varios punto escencial mester a worde teni na consideracion, esta edad dje muchanan, propio iniciativa, nan smaak den kleurmanto etc. etc., pero despues di oranan largo di trabao e jurado a logra saca e siguiente nombrenan como ganador(a)nan.

E dibujonan y pinturanan a worde parti den tres clasificacion. Tabatin un clasificacion di muchanan te cu 7 aña, uno cu muchanan di 7 te 12 aña y uno di e muchanan ariba 12 aña. Den e promer clasificacion tabatin dos premio disponibel cualnan a worde gana pa e siguiente hobencita y hobencito. Diprome ta Lienchi Kelly di Shirlabana 3. Di segundo premio den e clasificacion te 7 aña tabata pa Ruby F. Britten di Tanki Leendert 63. Den e clasificacion di e muchanan di 7 te 12 aña tabatin cinco premio disponibel cualnan ta bai pa Leo Solognier di Otaretistraat no 65 na San Nicolas, alumno di St. Augustinus College den 6e Klas. Di dos a bai pa Margriet Geerman, di Santa Cruz 176, di Ma-

riaschool den 6B. Di tres tabata pa Felipe Koolman di Rooi - Koochi (Savaneta), di cuater tabata pa Eduardo Jaquin di Walbeeckstraat 13, di 6e klas Sint Dominicus College. Y di cinco premio a bai pa José Martis di Wagenmakerstr 79, di St. Augustinus College na San Nicolas.

Den e clasificacion di muchanan mas ariba cu 12 aña tabatin tres premio cu tabata: prome pa Erwin Lampe di Papillon 63, alumno di A.T.S., di dos pa Helenita Lampe di Moko 3 (noord) alumno di Maria College den 9 klas B. Y di tres premio tabata pa Fransisca Wester di Papillon 65 na Santa Cruz. Asina cu en total nada menos cu 10 mucha a worde selecta door di e hurado como e ganadornan di e concurso di kleurmanto y pintamento.

E premionan cu e hobenan aki lo ricibi ta consisti di valenan "cash" di "Arubaanse Courant" y algun sorpresanan di e comerciantenan cu a sponsor e concurso aki, cual nos kler a menta na e ocasion aki. Nan tabata Firma Kan, Firma Jan Bodegom & Co., Victoria Bottling Co., Antillian Mercantile Corp. N.V., De Wit Stores y Elmar. Tambe nos a hanja bunita cooperacion for di señor J. Hoen kende a facilita nos un espacio den "Trocadero", caminda un gran cantidad di hende a hanja ocasion pa mira e obra di e muchanan di Aruba. Na e ganadornan nos kler a haci e suplica pa pasa busca nan premionan sin falta dia 2 Jan 1964 pa 3'or na oficina di Arubaanse Courant, Nassaustraat 85.

Un bista dje exhibicion di obranan dje muchanan cu a participa den e concurso di Pascu di Pinta & Kleur, organisa pa Arubaanse Courant. Nos ta mira ariba e portret aki e jurado den accion, cualificando cada dibujo. Nan tabatin un trabau enorme cu a dura casi tres ora prome cu e resultadonan final a worde dicidi. Di r.p.dr. sr. Leo Kuiperi, den centro sra. Truus Marchant, y mas dilanti sr. John Pandellis.



Aña ta cabando, tempo ta bula. NO perde bo tempo camna pa riba pa 'bau, pasa serca nos, na unda tin un surtido enorme di tur articulos pa bo uso, Camisa, bistir, tela, sapato, articulos pa cas etc.



PANAMA STORE  
Adolf Groder na San Nicolas

PA MOTIBO DI VIAHE

TA BENDE

Tur muebles pa cas, na prijs razonable!  
Tur ta den bon condicion!  
Vale la pena pa pasa mira nan!  
Pasa mira na:

EAGLE COLONY No.30

of jama tel. 2689.

ALSO IN 1964....

**SPALDING**  
sets the pace in sports®

**Antillian  
MERCANTILE**

CORPORATION N.V.

O'STAD TEL. 1145

S. NIC. TEL. 5635

**Botica del Pueblo N.V.**

est 1935

ta contento di por anuncia e ganadonan di su

## Concurso di Pascu

- |                     |                                      |
|---------------------|--------------------------------------|
| 1e premio f. 200.-- | Judith Willems<br>Tanki Leendert 21. |
| 2e premio f. 100.-- | Windelin Franken<br>Papayastraat 27. |
| 3e premio f. 75.--  | Felix Nicasio<br>Tanki Leendert 21.  |

Na december di 1964 lo tin 4 (cuater) premio, asina ta, existi y spaar Bo boletonan di caha.

31 DI DECEMBER 1963

di 10'or te 6'or A.M.

GRAN BAILE NA CLUB ARUBA JUNIORS

cu e famoso conjunto

**"Sensacion Musical"**

Caballeros f. 5.--

Damas f. 1.50

CABA 1963 Y HABRI 1964 CU ALEGRIA.



E director-propietario di BABY BAKERY na Pos Chiquito, Epifanio v.d. Linden, diabierne mainta a entrega na sra. JANY DABIAN DI JAN FLEMMING 2A na Sta Cruz, un biahada y vuelta Aruba-Columbia, como un dje varios premionan di e concurso di December di Baby Bakery. Sra. Dabian a hanja su premio den papel di pam di Baby Bakery. Pa anja entrante tin hopi mas sorpresa di Baby Bakery cu hopi premios (anuncio)





### Demostracion di mariniernan

Diasabra mainta ultimo entre 9'or y 10'or di mainta a tuma lugarnan Westpunt un demostracion di Marina Hulandes, cual tabata consisti di dos parti, a) organisacion di un compaignie y b) uso di armanan di un compaignie. Na e demostracion aki tabata presente e.o. Gezaghebber O.S. Henriquez, ministronan E.O. Petronia y L. Beaujon, vice-pres. di Staten O. Croes y deputadonan y hefenan di servicio cu un multitud grandi di otro persona grandi y chiquito. For di ariba e plateau, caminda e farro ta para na Westpunt, publico por a presencia e demostracionnan cual tabata uno sumamente interesante. Despues di e promer parti di e demostracion tabatin un pauza durante cual refresco a worde parti pa e prominentenan. E segunda parti di e demostracion despues di pauza a cuminsa cu un aeroplano cu a pasa abao over di e teritorio di combate y a laga un mensahe cu tocante di e enemigo cu kier baha na Westpunt. Asina cu e trupanen di Bubiribana a baha e mariniernan Hulandes a habri fuego ariba nan te ora cu e enemigo a baha na awa. Ariba e portret-



nan aki nos ta hanja un idea di a) tereno durante combate, b) puesto di comando, c) e publico cu ta busca camina pa nan auto despues di e demostracion. Mas o menos un 500 hende a subi y baha e trapiaki Diasabra mainta.

### Candela den hotel na Jacksonville

Jacksonville, 30 Dec. Bomberonan ayera a salba huespednan ansha cu trapinan largu for di un hotel ardiendo na Jacksonville. Tabata e hotel "Roosevelt" cu tabata yen di huesped cu a bai e ciudad pa presencia un partido di futbol.

Por lo menos dos persona a muri promer cu e candela a worde domina. Helicopternan di un base di marina den cercania a salba algun huesped for di riba dak di e hotel.

Polis a participa despues cu por lo menos binti persona a muri. Diferente persona a muri pasombra e konopinan cu nan a mara laken y dekenan na otro pa baha for di e pisonan altu di e hotel no a wanta. Despues di dos ora e candela a worde domina.



It never varies



Sabor cu nunca ta varia

### Plancon pa bisbita di Chroestsjow na Cuba

Miami, 30 Dec. Pueblo Cubano lo haya oportunidad pa topa personalmente cu Nikita Chroestsjow, asina un miembro di e presidio di partido y secretario di e comite central di partido comunista ruso a bida ayera den un entrevista na Radio Havana. E portavoz ruso no por a duna fecha di e bisbita.



## Programa di pelicularnan di filmliga pa 1964

Oranjestad, 30 Dec.

Dia 5 y 6 venidero e programa di Filmliga pa anja 1964 den Centro Cultural Aruba lo worde presenta. E serie di pelicularnan di 35 mm pa 1966 ta worde habri cu "Een stukje hemel te koop" di e regisor Italiano, Aglauro Casadio. Den e pelicular tin e rolnan principal, Marcello Mastroianni y Rossana Schiaffino. Tambe Filmliga ta spera di presenta otro anja pelicularnan di gran caliber manera "The Trial" cu Orson Welles y "Annee derniere a Marienbad".

Den e pelicular "Een stukje hemel te koop" ta hunga e rol principal un tal Severino, kende cu su fantasia y especialmente su boca cu cual e por ganja na un manera fantastico e ta percura pa su moda di biba. Den un pueblecito e tin tres amigo ta biba, tres hende simpel, mas pover cu ne mes ainda cu tur anja ansiosamente ta spera su yegada pa tende tur e storlanan cu e ta bin conta y cu ta trece un cambio chiquito den nan bida. E blaha aki e ta bin y ta cu-

minsa conta su amigonan tur loke el a mira den e anjanan cu a pasa y loke el a tende. E ta conta con e sabidoria y e technica di hende ta progresando, cu nan ta preparando pa haci un blaha pa luna y cu hasta un compania na Roma a cuminsa bende pida di cielo na interesadonan. Die compania aki el a worde nombra como representante. E tres amigonan simpel ta keré y nan ta usa nan ultimo lirenan pa por compra un pida di e bunita cielo. Nan impaciencia pa posee e pida cielo bunita cu nan a compra ta asina grandi cu nan ta dicidi di cuminsa cu nan blaha for di e mundo malo aki, door di drenta un boto yen di piedra y subi un lago caminda nan kler pone fin na e bida aki bao y drenta e pida cielo cu nan a compra. Ora cu Severino a descubri nan plan e ta cuminsa busca nan pa loco y ta sumamente contento ora cu e hanja nan atrobe den un boto di polis, caminda nan a subi, despues cu e boto cu piedra a cuminsa sink y nan a mira cu toch ta mucho mihor pa keda den e mundo malo aki na bida.

### Film smal

E futuro di e programanan di pelicularnan smal no ta segur na e momento. Filmliga te ainda no ta sigur di un recepcion continuo di e filmanan smal, asina cu e programanan aki lo worde muestra ariba temponan iregular. En todo caso pa Januari un pelicular a worde ricibi cual ta "De Mullkorf", un pelicular Aleman. Tambe ta worde spera e anja aki, "Ill Posto" di e regisor Ermanno Olmi, un pelicular cu a worde priminti na 1963 pero cu no a bini.

Na 1964 tin e siguiente pelicularnan di 35 mm ainda ariba programa.

L' Aventura, Lola, Das Brot Der Fruhen Jahren, The General, The Trial, L'Eclisse, Zazie Dans Le Metro, L'Annee Derniere A Marienbad, Cleo de Cinq A Sept.

President di .....

continuacion di pag. 1

e miedu ta hustifica cu tur e rehennan aqui lo worde asesina. E representante di Chipre cerca Nacionnan Uni, ayera noch a manda un carta pa e president di conseho di seguridad di e organizacion tocante e recien violacion di e espacio aereo di Chipre door di avionnan Turco, cual a tuma lugar ayera mainta trempan durante sesion di e conseho. E comandante Ingles di e trupanan cu ta vigila na Chipre riba mantencion di e armisticio, general Young, a participa ayera noch, cu e situacion riba e isla a mehora considerablemente. Riba iniciativa di e minister Ingles pa relacionnan cu mancomunidad, Duncan Sandys, nan a forma na Chipre un comite politico di comunicacion. E comite aki ta worde dirigi pa e altu comisario Ingles na Nicosia, sir Arthur Clark, mientras qu e embajadornan di Grecia y Turquia, e comandante di e forsanan uni na e isla, general Young, y lidernan di e grupo Griego y Turco di e poblacion ta miembro. Awe mainta Turconan y Griegonan a tira riba otro den e barrio Turco di Nicosia. No tabatin anuncio di victimas. Militar nan Ingles a interveni. Un delegacion parlamentario Turco consistiendo di binti persona den cual lo tin asiento miembronan di senado y camara di Turquia, lo bai Chipre pronto, pa pone nan mes eyan na altura di e situacion.

## Industrialisacion na Trinidad

PORT OF SPAIN 30 Dec. Den un rapport di e comision economico di Alemania Occidental, qu a worde presenta na parlamento di Trinidad tin un recomendacion pa establecimiento di tres industria nobo riba e isla. Ta trata di un industria di caustic soda, elaboracion di canya di pers y elaboracion di metalnan usa. Esaki ta forma un parti di un plan grandi pa industrialisacion.

### Paul Hindemith a muri

Frankfort/ Main, 30 Dec. E compositor y director profesor Paul Hindemith a muri ayera na edad di 68 anja na Frankfort aan de Main.

Djies promer el a worde hospitalisa pa via di un falta na su circulacion di sanger.

Hindemith a nace 16 di november 1895 na Hanau banda di Frankfort aan de Main. El a scribi diferente opera, simfonia, y otro obranan pa orkestra, musica di camara y piano, sonata, obranan pa koor y musica di ballet.

### Actriz Ruso a muri

E actriz Ruso, Jevdokia Toertsjaninova, kende a ehecuta mas di dos cien papel den e teatro Malj na Moscu, a muri na edad di 94 anja. 73 anja pasa e actriz a actua pa di promer blaha den e comedia di Leo Tolstoi.



Ring out the old,  
Ring in the new  
with our best  
wishes to you.

CLUB  
CARIBE  
Aruba



NOS TA DESEA  
TUR NOS CLIENTENAN EN PARTICULAR  
Y HENTER ARUBA EN GENERAL!

tambe pa 1964 nos lo continua cu duna un bon servicio cu e mehor pam, di e panaderia mas moderno y mas higienico di Aruba.

**BABY BAKERY**

Pos Chiquito 66 tel. 7203-7202

director-propietario  
**EPIFANIO VAN DER LINDEN**

Na víspera di aña nobo, nos mehor deseonan na tur nos clientela, y e pueblo di Aruba en general.

**HOTEL CASANOVA**

**MASHA DANKI**

**SANTA CLAUS**

Apreciable Santa Claus. Santa Claus mi ta contento cu e regalonan a jega na oficina di Arubaanse Courant, mi ta spera cu mas pronto posibel nan jega aki na cas. Santa Claus mi ta gradici Santa Claus pa e regalonan i mi ta spera cu otro aña Santa Claus lo tei atrobe. I mi ta gradici Arubaanse Courant tambe. Mi ta bisa Santa Claus Danki i un blaha mas Danki pa e regalonan i te otro aña

Mi number, Josefina Mariana Giel  
Mi adres: Monserat 27.



# HAPPY NEW YEAR

## KLOMPEN KLUB

PRESENTS


### Mancheño & Carmelilla

*and their group of Spanish Dancers*

showtime 10 p.m.



MANCHEÑO and CARMELILLA



Dancing Music by

**Jorge Fasola**

and his band

in the

## "Bali Bar"

**HAVE FUN**  
ring in the new year

with

### Ralph Flanagan

**AND  
HIS GROUP**

with presentation of the beautiful  
japanese singer

**Sachiko Yoshimitu**



Call maitre de Kurt Haidl  
Phone 2250 ext. 162-163



# ARUBA CARIBBEAN HOTEL CASINO

**DICK TRACY**

pa cortesia di:

**Antillian Hardware Co.**

E mihor adres pa VERF, KWASHI, TUR HERMENT, ARTICULOS SANITARIO.

**HOROSCOPO PERSONAL**

pa diamars 31 Dec.

**ARIES** 21 maart - 20 april  
Bo por tin hopi éxito den amistad y amor, basta bo muestra bo mehor banda. Tene un bista riba bo placa y cosnan di valor.

**TAURUS** 21 april - 21 mei  
Esaki ta un dia pa contactonan personal si bo kier logra algu. Mehor bo warda poco promer bo tuma decisionnan.

**GEMINI** 22 mei - 21 juni  
No hasi muchu cos awe y regla bo trabao pa bo tin tranquilidad rond di bo. Anochi ta favorece recibimento di bishita pero no ta adecuado pa sali.

**CANCER** 22 juni - 23 juli  
Confia riba e hendenan cu ta pegá cu bo, awe no ta un dia pa cuminsa aventuranan. Duna otro nan loke nan merece.

**LEO** 24 juli - 23 augustus  
E ultimo dia di e anja no ta muestra malo: bo por tin suerte den asuntunan di negoshi. Paga poco tino riba bo palabranan.

**VIRGO** 24 augustus - 23 september.  
Aspectonan ta favorable pero no spanta si bo tin di cambia bo plannan di ripiente. Pospone bo decisionnan di negoshi.

**LIBRA** 24 september - 23 oktober.  
Aspectonan pa bo posicion y asuntunan di famia ta favorable. Laga amigunan aventurero pa nan cuenta awe.

**SCORPIO** 24 oktober - 22 november.  
Si un hende ta pidi bo ayudo of conseho bo no tin mag di ningu. Bo por kiboca bo mes den contactonan cu otro.

**SAGITTARIUS** 23 november - 21 december.  
Bo disposicion pa yuda otronan por worde recompensa mas den dia. Duna cooperacion si otronan ta trata pa acerca bo.

**CAPRICORNIUS** 22 december - 20 januari.  
Awe aspectonan ta basta favorable y hasta por tin un desarrollo di sorpresa pa bo. Pero tene cuidao tambe cu gastonan inespera.  
**AQUARIUS** 21 januari - 19 februari.  
Despues di atardi aspectonan pa viaha ta menos favorable, tene cuidao tambe den trafico. Probablemente bo lo mester cambia bo plan.

**PISCES** 20 februari - 20 maart  
Confia riba bo intuicion, bo opinion cu bo ta forma awe. Tene cuenta cu un aspecto di tension innecesario cu otronan.

## Merca ta pone beslag riba bapor cu exiladonan cubano

**MIAMI**, 30 Dec. E lider di e movimientu revolucionario y rebelde, un organisacion di refugladonan Cubano na Merca, a participa na Miami, qu e autoridadnan mericano a pone beslag riba dos bapor cu refugladonan cubano dilanti di costa di Florida.

Adouana Mericana a confirma e noticia, sin duda mas particularidad. Segun e lider di e exiladonan Cubano e dos bapornan tabata na caminda pa un base secreto den territorio di Caribe cu un cierto cantidad di persona y seis bom di cincuenta kilo a bordo. E grupo tabatin intencion pa diahuebs awor bombardea e plaza di revolucion na Havana cu un avion bombardeo bimotor, cu - tambe tabata na e base secreto. Diahuebs awor ta conmemoracion di e hecho cu Castro a haya poder na Cuba.

**RIP KIRBY**

pa cortesia di:

**JAN BODEGOM & CO. (ARUBA) N.V.**


Agente exclusivo di FRIESCHE VL AG lechi evaporado y lechi en polvo MAXWELL HOUSE KOFFIE.

**CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba


**BUCHI ROBEZ**

pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.

**Candela na Venezuela**

**CARACAS**, 30 Dec. Bomberonan na Caracas ayera a paga un candela riba un piso di un edificio bancario unda e organisacion Mericano pa investigacion geodetica interamericana tin su sede. Un portavoz di bomberonan a bisa cu e ta kere cu e candela probablemente a wordu sende pa extremistanan di e ehercito nacional di libertacion.

**Ad Stenzen ta keda algun dia mas**

Oranjestad, 30 December. Pa motibo di e echo, cu e no por acaba su asuntunan na Aruba na tempo e violist di Sticusa Ad Stenzen no a laga Aruba Diaberna ultimo, pero lo sali for di Aruba te Diahuebs venidero dia 2 di Januari 1964 cu e avion di K.L.M. vuelo di 7'or y mei di anochi.

**Ladron cu conoce hende bon**

**San Jose**, 30 Dec. Polis di San Jose na California ta busca un ladron di pacus quende aparentemente ta conoce hende bon. Awe e tabata cana den un pacus y el a abri un cahita for di cual a sali un raton basta grandi. Mientras cu e personal tabata mira e accionnan di e raton for di riba toonbank of stoel, e homber a scohe e shimis di mas caru, a cohe su raton y a baha na awa.

**Sra Kennedy a acepta oferta pa un cas di vacacion**

**Washington**, 30 Dec. Señora Jacqueline Kennedy a acepta un oferta di e prinses Lalla Aicha di Marokkopa un cas di vacacion na Marrakesj. E oferta a worde haci na nomber di Rey Hassan, ruman di e prinses. Ayera e prinses a pone un kran na tumba di e president asesina.



# AGENDA

## ARUBAANSE COURANT

diariamente cu excepcion di diadomingo

subscripcion f. 3.25 pa luna edicion los 20 ct.

edita pa:

N.V. Arubaanse Druk-kerij - en Uitgevers - en Publiciteits Mij.

importa na:

N.V. Drukkerij „de Stad,,

Telefoon 1116 Directiva y redaccion, 2116 Anuncio y subscripcion.

Directeur hoofdredacteur: D. Wolff.

## CINE

Maandag 30 Dec.  
De Veer: 8.30 p.m. "Hatari" all  
Rialto: 8.00 p.m. "Hero's Island" all  
Principal: 8.00 p.m. "Esther and the King" 14 j  
Aurora: 8.00 p.m. "La Novia" all  
Savaneta: 8.00 p.m. "Solomon And Sheba" 18 j

## DOKTERNAN DI WARDA

Doktersdiensten: Oranjestad-Noord 28.29 Dec Dr. J.R. Leo  
San Nicolas-Sta Cruz-Sav 28/29 Dr. J.G. Janssen

## TELE-ARUBA

05.30 Cartoons  
06.00 Panorama Pan Americano  
06.30 Annie Oakley  
06.45 Papiamento Newscast Live & Filmnews  
07.00 The Flintstones  
07.30 Sports News  
07.45 I Love Lucy  
08.15 Have Gun Will Travel  
08.45 English Newscast Live & Filmnews  
09.00 Dutch Film  
10.00 Sign Off.

## RADIO CARACAS

### TELEVISION

8.45 Senderos de luz  
9.00 Caja con sorpresas  
9.30 Jardín de infancia  
10.00 Ingles por T.V.  
10.30 Cosas de mujeres  
11.15 Quien es quien en T.V.  
11.45 Novela  
12.00 Show de Saume  
13.15 Se necesita una amiga  
13.35 Novela  
13.50 Yo se lo vendo  
14.20 Punto y aparte  
14.45 Estudio Hector Monteverde  
15.15 Perfecta ama de casa  
15.45 Aventuras de Popey y Yeyo  
16.15 Mejias y sus muchachos  
16.45 Buque su marca  
17.15 Mr. Magoo  
17.45 Noticias  
17.50 Ajedrez fatal  
19.00 Markham  
19.30 La Ley del revolver  
20.00 El observador  
20.15 Novela  
20.30 Radio Rochela  
21.00 M. Squad  
21.30 El Show de Dick Powell  
22.30 Noticias  
22.35 Cine para todos

## BOTICANAN DI WARDA

Nachtdiensten: Oranjestad Botica del Pueblo Tel: 1253-2154  
San Nicolas Botica San Lucas Tel: 5119

## Cumpleanjos

Dia 29 di Dec. a cumpli 4 año Jose Miguel Croes, felicitacion ta bini di su mama Julieta, tata Jose, rumanan Chindo, mani, Juan, Raymundo y Chichi, tantanan Bertha, Maria y Nita, omonan Willi, Pedrito, Chinto, y Nicolaas, primo y primanan, especialmente di su madrina - Franka Croes y demas famia Croes, Franken y Angela, welo Herchi Franken.

Dia 30 di Dec ta celebra su feliz cumpleaños señora Filomena Tromp, felicitacion ta bini di su esposo Aniceto, yunan Mina y Raymond, tata y mama, rumanan, suegra y suegro y demas famia Henriquez y Tromp.

Dia 30 di Dec. ta cumpli año Hobencito Glenda Bareño, felicitacion ta bini di su tata, mama y demas famia Bareño y Ruiz especialmente di tur su amiganan di school.

# Sorpresanan Amstel

Sorpresa... y mas sorpresa

AMSTEL!

Exigi... y bebe AMSTEL.

Waak bau di e tapa... y...

haya GRATIS... dos, tres

of mas ainda...



Si, waak bau di e tapa... y haya 5, 25, of 100 florin di REGALO! Esaki si ta facil! Djies waak bau di e tapa di e sabrosísimo AMSTEL y gana... MILES y MILES di florin.

Esaki ta otro sorpresa

AMSTEL.

AMSTEL... e marca di calidad!

Sorpresa... Sorpresa!

SORPRESANAN AMSTEL!



# Deliberacionnan di president Johnson y Ludwig Erhard

HOUSTON-30 Dec. President Johnson a bisa a-yera noch na un mitin cu prensa, qu e ta convencido, qu por lograprogreso den e relacionnan entre Oriente y Occidente, y qu Merca di nan parti lo haci tur loque ta posibel pa contribui na esey. Johnson a bisa asina durante un mitin qu prensa na un recepcion, qu el a duna na su rancho na Texas.

E president y su minister di agricultura, Orville Freeman, ambos a expresa nan preocupacion tocante a conferencia na Brussel por cierto nan no a atende nada eyan tocante admi-

sion di Merca na e Mercado agricutural di EEG riba un base hustifica y razonable. President Johnson a participa tambe, qu el a duna e minister Mericano di defensa, McNamara orden pa forma un comision especial qu mester studia henter e problema di instalacionnan militar Mericano, tantu na Merca como na exterior, segun e programa di economisacion di e gobierno nobo. E presidente ta considera e relacionnan entre Occidente y Oriente masha importante. Durante e entrevista qu canceller Erhard di Alemania Occidental Johnson lo atende e punto aqui. E actual embajador Mericano na Mexico, Thomas Mann, a queda encarga cu henter e plan di coordinacion di e politica Mericana pa qu LATINO America. E ta bira pues director di e programa "Alianza pa Progreso". Mann tambe ta segundo minister di exterior pa asintunan interamericano y consahero especial di Casa Blanca.

President Johnson y canceller di Alemania Occidental Ludwig Erhard a combersa dos ora cu otro. E combersacion a tuma lugar na e finca di president Johnson na Texas.

E hefe di prensa di Johnson a bisa cu e dos mandatarionan a papia tocante hopi asunto entre cual e actual situacion na Europa y reforsa di NAVO.

Di parti Mericano a worde trata pa haya mas particularidad for di e Alemannan tocante e recien acuerdo na Brussel tocante un politica agricultura comun entre e seis paisnan di EEG.

Erhard a duna como su opinion cu e reaccionnan di Rusia riba e investigacionnan di Occidente tocante medidanan diaflojamentu ainda no ta masha animante. Asina e portavoz di e delegacion di Alemania Occidental, Von Hase a participa despues di un segundo entrevista largu entre Johnson y Erhard.

Contestando un pregunta cu esey ta nifica al e canceller ta pes-



simista encuan to e posibilidad pa negociacionnan cu Union Sovietica, Von Hase a bisa, cu Erhard no ta sera porta pa demas investigacionnan door di Occidente.

E portavoz di Casa Blanca, Pierre Salinger, a bisa despues cu segun e opinion di gobierno di Alemania West ta mas relaciona cu e asunto Aleman y Berlin cu riba e asunto di relacion entre Occidente y Oriente en general.

Von Hase a bai di acuerdo cu esey.

Aki nos ta mira componentenan di e conjunto Sensacion Musical cu durante e año aki a bolbe cosecha gran exito na Aruba y na nos isla hermana Corsow. D.r.p.dr. Edwin Zichem, manager; Raphael Hodge, Egbert Peterson, Tirso Steba, Oscar Steba (director) Alberto Dollison, Eddy Mackay, Erwin Tujeehut, Arnold Beyde, Donald Pietersz y Juancho Kock.

E surtido mas grandi di

**Bebi da...**

**Pa caba 1963 y cuminza 1964!!!**

WHISKY

White Horse  
Black & White  
Wallace  
White Label



BINA

Crema Marsala alluovo  
Bloedwijn  
Moscatel  
Malaga  
Spanish Port  
Pleeg Zuster

LIKEUR

Crema de Banana  
Crema de Cacao  
Crema de Mentha  
Cherry Brandy  
Marashino  
Likeur di Corsow  
Cucui

ROM

Bacardi  
Rey de Copas  
Boca Chica  
Sibonne  
Siglo 20  
Indio

CHAMPANA - JENEVER BOLS - CINZANO - PONCHI CREMA - ANIS -  
ANGOSTURA - CERBEZ: AMSTEL - BUDWEISER - HEINEKENS -  
SCHLITZ. REFRESCO: PEPSI COLA - NESBITTS - COCA COLA -  
SODA WATER - 7 UP - GINGER ALE

PROPAGANDA TIN HOPI..... PERO BIN LA ESPERANZA Y BIN COMPARA NOS PRIJSNAN CU DI CUALKIER OTRO CAMINA. Y..... PA COMPLETA E FIESTA: PASA NA NOS MERCADO NA UNDA TIN UN SURTIDO ENORME DI SATE'S - CROQUET - BLINDEVINKEN - SLAVINKEN - SALON - GALIÑA FRESCO, - GALINA JEN'A - PIA DI GALINA - HAM HUM'A - TUR SORTO DI CARNI FRESCO FRESCO!!!!

KLAPCHI Y MAS Klapchi..... VUURPEIL di 5-8-9-10-15-20 bala!!!

ROCKETS di 4 y 8 ons y di un liber. Klapchi den paki di tur tamanjo te

na 10.000 Klapchi - STREA - CHERRY BOMB - FOUNTAINS -

DONDERBOOS DEN VARIOS TAMANJO.....

Y TUR NA PRIJSNAN PA CELEBRA ANJA NOBO SIN DOLOR DI CABEZ!!

tur clase di  
chuculati - bolo di fruta  
buscuchi di tur calidad,  
ciga, cigarla y tabaco

ESUN CU A SABI DI MANTENE CALIDAD Y TOCH BAHU PRIJSNAN

**LA ESPERANZA**

ORANJESTAD TEL. 2400 - 2401 - 2402

POS CHIQUITO TEL. 7200 - 7201

PAKIKO PAGA MAS, MIENTRAS CU NA LA ESPERANZA SEMPER BO TA PAGA MENOS!



*Tambe pa 1964...*



**"REDDY" TA FAVORITO  
DI HENTER FAMILIA!**



**E bapor Griego Lakonia  
a zink ayera**

Lissabon, 30 Dec. E bapor griego di pasahero, Lakonia, a zink ayera ora cu nan tabata touw e pa Gibraltar. E bapor - antes "Johan van Oldenbarnevelt" di e compania "Nederland" - casi un siman promer a pegacandela, ora cu mas o menos 600 pasahero a bordo tabata haci un giro pa Madeira. E desastre a costa bida di sigur sigur cien persona mientras cu ainda tin cincuenta perdi.

Remolcadornan, entre cual esun Ulandes, Clyde, tabatin intencion di touw e bapor, di 20.000 ton pa Gibraltar. Ayera mainta 124 pasahero y 141 miembro di tripulacion di e bapor a yega Tilbury, Inglatera.

Di parti di e pasaheronan tabatin queho tocante e actitud di e tripulacion na ora cu mester a bandona e bapor, cu tabata kima. Directiva di e compania a muestra cu na salida di e bapor for di Southampton e nave tabata cumpli cu tur exigencianan y cu e sistema di salvacion y medionan pa combati candela a worde investiga pa un ambtenaar di e ministerio ingles di transport.

Entre tantu na Atenas e investigacion provisional tocante causa di e desastre a cuminsa.

Aunque cu e sesion a tuma lugar cu portanan serra, ta worde informa cu e capitán a declara cu e tripulacion a cumpli completamente cu su deber.

**Crisis den gobierno  
Griego**

ATENA 30 Dec. Rey di Grecia no tabatin exito cu un peticion riba e lidernan di e partido "Union di Centro" y "Union Nacional Radical" pa traha hunto en bista di e tensionnan na Chipre.

E minister president Papandreu cu ta retirando a bisa, cu solamente eleccionnan nobo riba termino corticu lo por trece un solucion pa e crisis di gobierno.

E lider di oposicion ta contra e idea aqul. Segun oposicion e dos partidonan lo por coopera.